


# Un gran dia pa Lara Kuiperi



Riba e foto por mira d.r.p.d. Ministro Eddy Croes, Capitan Tor Olsen, David Negrón, Lara Kuiperi, Stan Kuiperi, y Wilma Kuiperi cu e cheque di \$2.000 pa Lara. DIARIO ta gradici Karen Negrón pa e bon cooperacion ricibi pa cubri e evento aki.



E muchanan di MAVO-1 di Mon Plaisir College aki ta pose hunto cu Lara Kuiperi y Capitan Olsen.



Prome cu e almuerzo, alumnonan di Mon Plaisir a bay cana rond ta "window-shopping" abordo di e crusero.




Algun agente di viahe tambe tabata invita pa ta presente abordo di "Splendour of the Seas" pa e honor na Lara.

ORANJESTAD (AAN): Un bishita inolvidable sigur tabata loke alumnonan di MAVO-1 di Mon Plaisir College a haci riba e crusero "Splendour of the Seas" di Royal Caribbean Cruise Lines. Esaki tabata relaciona cu e hecho cu un alumno di nan klas, a logra di sali na di segundo lugar den un competencia internacional teni recientemente. Un di e eventonan cu Florida-Caribbean Cruise Association (F.C.C.A.) a organiza na 1997 tabata e concurso di pintamento entre e muchanan di school den Caribe, den categoria te cu 13 aña, y di 13 te cu 16 aña. E tema tabata "My Caribbean, Your Caribbean.... To Protect and Preserve".



Aruba tambe a participa y un biaha mas a cay den e premionan. Den e categoria te cu 13 aña tabata atrobe un alumno di Mon Plaisir College cu a sali na di dos lugar. Ta trata di e hobencita Lara Kuiperi, alumno di MAVO-1, y yiu di e conocido pareha artistico Stan y Wilma Kuiperi. Lara hunto cu su



mayornan y ruman, su coleganan di klas, maestronan, tabata huesped di Capitan Tor Olsen di e crusero "Splendour of the Seas" di Royal Caribbean, y Cruise Tourism Authority Aruba, unda e grupo a haya un tour riba e crusero y un almuerzo den Diningroom The King & I, pa obsequio di e Capitan y su crew.

